



御選元詩卷第五十一目錄

七言律詩十

呂思誠二首

于文傳一首

韓鏞一首

宇文公諒一首

張翥四十一首

成廷珪五十八首

李孝光二十首

周伯琦六首

曾堅一首

御選元詩

卷五十一

目錄

支渭興一首

貢師泰三十四首



御選元詩卷第五十一

七言律詩十

呂思誠

桂林八景 錄一首

堯山冬雪

堯山絕秀嶺南天，雪壓林巒飄素煙。
高倚暮雲屏掩翠，半消晴日玉開田。
驛梅逢臘巖前發，羽檄衝寒徼外傳。
何日樓頭閒拄笏，兩堦舞罷對瓊筵。

西峰晚照

西風吹向桂林西，數點晴雲落照低。
絕嶽倚空排寶戟，斜暉轉樹繞雌霓。
錦紋零亂霞前映，翠羽參差雨後迷。
御選元詩 卷五十一 呂思誠 于文傳 韓鏞
還似峴山詩酒客，醉來聽唱白銅鞮。

于文傳

至順四年四月九日同王叔能柳道傳錢翼之

胡古愚遊天平山次古愚韻

蒼壁屯雲戟衛森，白雲入戶袞衣臨。
千章喬木還如舊，一尺流泉不在深。
賸有桑麻居杜曲，豈無鶻詠集山陰。
登高却省曾遊處，短髮搔餘不耐簪。

韓鏞

送李彥芳

奎壁文章入九重，遙瞻使節向閩中。
分襟客路柳初綠，艤棹春江花正紅。
部檄百城沾化雨，海天千里肅清風。

懷賢戀德情無限夢逐旌麾過甬東

宇文公諒

送復見心住定水

定水招提鳴鶴東鑑湖歸去泛孤篷鉢衣不濕荷花露
玉塵遙生桂子風山靜祇看雲自動江澄莫訝水如空
沃洲有約尋支遁還許清談共野翁

張翥

無題

見時畧略望遙遙有月闌干待袖招得巧蜘蛛絲縷細
傳聲鸚鵡舌關嬌仙家絃管寧無譜天上星河亦有橋
雲雨或時消息斷不如朝暮石城潮

御選元詩

卷五

宇文公諒 張翥

二

聞笛

何人吹笛傍江干木落淮南夜色寒三弄水邊人艤櫂
一聲雲杪客憑闌梅花簌簌吹應落楊柳依依折欲殘
惆悵綠珠何處在綺窗深鎖月漫漫

中秋廣陵對月

散盡浮雲月在東白蕉衫冷小庭空星河夜影尊壘裏
城郭秋聲鼓吹中落葉有光時墜露鳴蛩無響不含風
此生五十三回見只遣嫦娥笑秃翁

丁亥元日

梅花院落雨聲中窗外春寒淅淅風臘酒撥醅浮玉螳
夜燈挑燼落金蟲星環甲紀驚身老雪解寅朝驗歲豐

還喜驛書催上路寸心長在日華東

喜雨

久旱
苦蝗

日氣如焚土氣腥黑雲當午忽冥冥雨工分下旗千隊
神姥攜來酒一餅牛馬長河迷渚涘龍蛇平陸起雷霆
快看一洗飛蝗盡猶及秋田晚稼青

春日偕監中士友遊南城

樓閣參差紫翠間微風不動綵雲閒柳垂禁籞絲千尺
水繞宮溝玉一環春樹烏鳴圓似筦夕陽駝影兀如山
醉鞭緩緩吟歸去燈火城東未掩關

三月二日賞杏花光岳堂分韻

柳色初青草漸茸春寒猶勒杏花風新煙院落清明候
御選元詩

卷五

張翥

三

過雨園林罨畫中洛社衣冠今日再蘭亭觴詠此情同
吾年最老身仍健更向尊前借酒紅

臘日飲趙氏亭

城上高亭一再過每看風物費吟哦近詩頗效寒山子
往事徒成春夢婆賸買十千燕市酒閒聽二八越孃歌
梅花枉報春消息祇遣今年別恨多

秋日陪吳興諸府公宴魯公池上

芙蓉池上會羣公滿意華筵笑語中虹影連蜷山外雨
荷香澹蕩晚來風歌催銀甲箏逾急涼入金尊露易空
我亦玉堂揮翰手題詩合在水精宮

中秋張外史招賞月失約賦以謝之

明月中天霧氣消酒醒涼思正飄飄星河不動秋空闊
鐘鼓無聲夜寂寥露下遠山皆落木風來滄海欲生潮
仙家玩事無由到虛負瓊樓聽玉簫

浮山道中

處處人煙有酒旗棟花開後絮飛時一溪春水浮黃頰
滿樹暄風叫畫舂入境漸聞人語好看山不厭馬行遲
江籬綠遍汀洲外擬折芳馨寄所思

聽松軒爲丹丘杜高士作

長松千樹擁前榮虛籟還從樹底鳴一片海濤雲杪墮
幾番山兩月中生茶香夜煮苓泉活琴思秋翻鶴帳清
安得南華老仙伯相隨軒上說風聲

御選元詩

卷五十一

張翥

四

次韻劉伯貞與金山即休了長老唱和

老禪居處水雲重此地纖塵不可容潮色平鋪無際海
日光先上最高峰蹋花佛馭紅牙象獻寶神騎白耳龍
第一江山第一座幾時來聽講時鐘

送絕宗繼講師住大雄寺

大展三衣古道場真人高拱殿中央曼陀雨散天花落
薰陸煙生石乳香纏纏風雷飛講舌耿耿龍象繞禪牀
師行不廢宗雷社會覓籃輿到上方

壺洲爲上清張道士題

錦水西頭觀闕青仙家原不隔滄溟鳳麟洲渚寒凝碧
雲霧衣裳夜降靈金醴浸花留客醉玉笙吹月使龍聽

看君福地容蕭爽長與曾孫宴幔亭

仙娥玩月圖為野雲陳氏題

仙娥微步下高寒獨立長松月滿山妝影透明金背鏡
佩聲飛動玉連環洗空碧海銀蟾冷舞罷瑤階白鳳閒
不是丹青寄顏色行雲無夢到人間

霍丘孫遊武林湖山之勝貽之

千頃平湖繞郡城畫船小槩蕩春聲紅酣花港風荷密
玉照梅岡雪樹明煙月長留歌舞地山川不改古今情
君行須到峰南北為覓蒼苔石上名

翰林三朝御容戊戌仲冬朔把香前宮

嘉禧殿前初日高瑞光先映赭黃袍雲間瑞露收金掌
御選元詩

卷五

張翥

五

仗外微風颺彩旌黃鶴仙人周子晉碧雞使者漢王褒
禁園尚覺餘寒在未放春紅上小桃

余伯疇歸浙東簡郡守王居敬

四明遊客住京都旅舍青燈照影孤家信十年黃耳犬
鄉心一夜白頭烏却攜長鋏辭金水直挂輕帆到鑑湖
為問蠡吾王太守別來安穩有書無

送涂茂才北游

黃河十月已流冰暫解行裝駐廣陵逆旅壯懷銷北斗
故山歸夢入孤燈千金燕市方求馬萬里天池欲徙鵬
曾是公卿有知己孝廉船上覓張憑

越僧無涯號栖霞乞賦

上方何處但聞鐘深護林扉翠幾重卧冷衲衣侵片石
行隨錫杖度千峰松晴每下安巢鶴潭暮時留聽法龍
更欲移禪沃洲去微茫巖洞不曾封

故御史王楚鼇元戴為臨川王伯達三畫求題

雙鳳山人茅作屋五雲閣吏繡為衣寫將瀟灑滄洲趣

留待風流二老歸歲月無情遺墨在江湖多事宿心違

寒藤古木江西道惟有當年白雁飛

右雙鳳山居圖山在臨川五里王自奎章典籤為鴈史故

晝畫溪頭春水波美人蘭櫂遠來過杯如賀老稽山酒

曲有吳兒小海歌樓館雲晴空翠濕汀洲花暗夕陽多

只今粉墨餘高致愁絕樵風冷薜蘿

右山陰春霽圖時憲巡行越中

御選元詩 卷五 張翥 六

小史堞前煙水空淮山無數直叢叢使君援筆寫秋色

舟子唱橈乘晚風幾處漁家依落木半汀殘照下飛鴻

白雲望斷仙游遠應在蓬萊碧海中

右萬港秋汎圖時為淮西僉憲

春日有懷柯敬仲博士

建章鷺轉曙光初上直開門漏點疎花擁西清森仗衛

星臨東壁煥圖書漢庭長者多推轂楚國騷人久卜居

為問五雲仙閣吏綵毫春詠近何如

中秋望亭驛對月代祀北還

月色滄波共渺茫驛亭雜坐看湖光仙家刻玉青蟾兔

帝子吹笙白鳳凰蘆葉好風生晚思桂花清露濕空涼
回槎使者秋懷闊倒瀉銀河入酒觴

正月九日夜雪甚寒

雪後西山照眼青早寒微霰又飄零昨非未必今皆是
衆醉何妨我獨醒學篆每朝臨碧落存神長夜養黃庭
若為喚得瀛臺侶相與吹簫上杳冥

雪中早朝

北風吹雪浩漫漫曉出津橋立馬看春入上林花樹早
水連平地海波乾金城萬雉微茫濕月闕雙龍鬣鳳寒
今日天顏知有喜紫宸朝下散千官

寄陳敬初郊九成

憶昨闔門挽柳條遠煩相送過楓橋夕陽陌上東西路
春水江頭早晚潮老境此心惟白社英年何處不青霄

御選元詩

卷五 張翥

七

詩成別後應俱進時遣郵筒慰寂寥

遊天竺寺

石梁濺水濕蒼苔陰洞旁穿澗底回殿閣金銀從地湧
山林圖畫自天開龍隨僧到分雲住猿聽人呼下樹來
游興未闌斜日盡馬頭呼酒尚徘徊

題張外史馬塋新居

窈窕丹房古澗阿長松修竹繞層坡桃園隱者時相遇
茆洞仙人夜或過沆瀣杯寒供曉食青冥笙響答空歌
白雲浮出池痕滿知是龍泓宿雨多

登金山吞海亭了公請賦

危亭突兀戴鼇頭俯視滄溟一勺浮龍伯衣冠藏下府

梵王臺殿起中流扶桑夜色三山日灑灑江聲萬里秋
老我惜無吞海甸但磨崖石記曾遊

賦中書左曹小瀛洲

東曹地迴集名郎宛是仙家紫翠房闔闔上通天咫尺
蓬萊移出海中央金波日暖浮鳩鵲玉樹春濃下鳳凰
幾度夢回清夜直此身如在五雲鄉

三月望日望虎丘寺題小吳軒

海湧峰前雲樹盤佛宮飛閣出巒岈虎來古塚金精白
龍卧秋池劍影寒禪老說空留壞石鬼仙題句下虛壇
憑高不盡登臨興更借西山晚翠看

東西馬塍春行簡平湜伯容

御選元詩

卷五

張翥

八

清明時節每多陰楊柳人家花滿林侵曉乍收連日雨
賞春長負百年心鳧翁一一蒲塘暖雉子斑斑麥隴深
爲報能詩平處士剽攜芳酒共幽尋

鐵笛爲孟天暉賦

愛此輕圓鐵鑄成何須楚竹選孤生年多化作青蛇色
夜靜吹如彩鳳聲繡出碧花凝錯落冷涵金氣發鏗清
最宜攜向君山去一聽仙翁奏月明

寄見心上人次韻

自入赤墀青瑣間舊遊禪侶亦闌珊青山只憶招提境
白首初辭供奉班馬爲空羣猶矯矯鳥能求友自關關
終期一舸相尋去知在姚溪第幾灣

題唐子華畫王師魯尚書石田山房

秋水橋邊紅葉林數家茆屋傍青岑岡頭種玉朝煙暖
隴上鋤雲宿雨深摩詰朝川宜入畫少陵韋曲自成吟
東嶽歲晚來同煮應許山中道士尋

寄題杜原父懷友軒

尺五城南近世紛移家來並武夷君他年功業誰青史
此客山林自白雲石氣曉侵書幌濕溪聲時雜擢歌聞
故人已有同棲約杖策行穿虎豹羣

瓜州與成居竹王克純登江風山月亭

風起西津斷客艘熊家亭上得憑高雲移鳥影沈江渚
雨帶龍腥出海濤開闢自天留壯觀登臨如我老英豪

御選元詩

卷五

張翥 成廷珪

九

放舟擬就金山宿一夜清寒襲錦袍

冰蟾為金齊賢賦

老蟾素魄稟金精千歲玻璃幻結成明月夜零陰燧凍
丹書秋滿肉芝生腹凝寒露藏虛白影入銀河浴太清
擬問嫦娥乞靈藥與君騎向廣寒行

壬申元日大雪二日立春晴景豁然春讌有作

白雪晴天映日紅樓臺高下玉山中盤蔬曉送冰絲脆
釵杏春生蠟蒂融北斗龍杓迴後夜東皇鸞輅駕靈風
何如得接雲霄上一看煙花繞禁宮

成廷珪

八月十六日送張仲舉至秦郵驛是夕邵文卿

置酒雲峰臺望月

雲峰臺上今宵月奇絕平生此一行天水光搖秋萬頃
星河涼轉夜三更謫仙被酒騎鯨去游女吹簫學鳳鳴
明發星查上河漢定傳詩話到蓬瀛

虎溪三笑圖

三老風流笑口開山中猿鶴亦驚猜攢眉入社謾多事
送客過溪能幾迴僧影欲隨秋水去虎聲偏傍石橋來
東林絕響今千載撫卷題詩愧乏材

寄張仲舉助教

三寄新詩竹下來多君高興憶東淮塵埃沒馬昏歸舍
風雨聽雞曉入齋此日陽城須諫議當時方朔謾詼諧
御選元詩

卷五

成廷珪

一

瓊瑤花底相思夜酒滿春城月滿街

寄拔實尚書

憶陪冠蓋集通津下士無由拜後塵曾和淮南招隱曲
得從天上謫仙人鵝鸞在列誰堪並鴻鵠高飛不可馴
遙想退朝香滿袖題詩還記竹軒春

寄烏古孫幹卿參議

紫宸奏對出班行畫省論詩晝漏長三月不知燒筍味
一春還憶煮茶香幾人白髮黃花酒何處青山綠野堂
扶植皇綱在今日中原草木仰輝光

上清盧道士所藏雙龍圖

仙潭煙霧曉冥冥仿佛飛空劒氣腥巖穴幾年當蛻骨

畫圖今日露真形天瓢水淺陰猶伏寶藏雲深夜不扃
好就盧敖聽驅使八方行雨鼓雷霆

同諸公遊西城木蘭院

三月西城風日好短筇隨意踏晴沙王孫不識蘼蕪草
童子來尋枸杞芽白髮有人中卯酒清泉無火煮春茶
山扉寂寂僧歸晚落盡辛夷一樹花

送陳子山狀元赴太廟署令

天上詞臣錦作裳喜趨清廟奉烝嘗寶刀刻頌登彝鼎
金硯揮毫撰樂章太液秋風黃鵠下齋壇明月紫芝香
禮成月薦應分胙綵服承恩列北堂

廣陵岳宮醮夜觀王澹淵高士箴事自登瀛橋

御選元詩

卷五

成廷珪

二

迎師入黃籙壇

濛濛雲氣濕霓旌小隊紅綃鳳蠟明鸞鶴舞隨行道影
魚龍出聽步虛聲淮南高士青毛節句曲仙人碧玉笙
一路天風吹不斷此身今夕在蓬瀛

嶽宮登瀛橋

疊石爲橋跨兩涯只如平地入煙霞銀河夜擲仙人杖
碧海秋橫奉使槎浴水先迎三島日隔闌遙見十洲花
月中時有簫聲過多是山頭聖母家

題山居圖

石子坡頭松兩株水光嵐氣護幽居山翁被酒愛騎馬
溪友放船來捕魚秋色自隨黃葉老野懷常共白雲舒

何時卜築如圖畫竹下開軒更讀書

瑞雪為劉芝田賦

風卷寒溪漾碧沙曉林驚見玉橫斜人間風日不到處
天上神仙解種花九地暖回龍有穴三山雲靜鶴無家
泛舟來覓芝田叟留作山陰勝事誇

送余廷心翰林應奉

楓葉蕭蕭江已秋吳船三日住揚州
靛花深染青綾被雲葉新裁紫綺裘
征驛馬嘶風滿樹別筵人散月當樓
明年春雁將書去人在蓬瀛第幾洲

畫魚

生平踪跡侶魚鰕浦月山風滿客棹曾向春盤登北鮪
御選元詩卷五 成廷珪
更從丙穴薦南嘉賞花釣得留詩友折柳穿來覓酒家
萬里江湖春夢遠於今空對畫中誇

寄謝察院高德進憲使寄來楊友直書居竹軒
三大字

三字封來墨未乾堂軒舒展對琅玕
高人不得籠鷺換好客多從載酒看
月夜有懷通白下秋潮無信寄長干
清臺翠柏應千丈靜想風霜卷地寒

夜泊青蒲村

黃葉飄飄秋滿天數家茅屋更翛然
村中老人不識字溪上小兒能駕船
薺菜登盤甘似蜜蘆花紉被暖如棉
此中長得無宵警春雨扶犁學種田

懷方壺高士

塵湖山下足煙霞羨爾方壺道士家
雨後放龍畊綠野日中呼犬試丹砂
瓊林一路芝如草碧澗千年竹有花
正欲相陪此深隱半盂分我飯胡麻

韓致用夢鶴

疇昔相過赤壁磯神交遺思尚依依
應從五色雲中過還繞三珠樹上飛
月色滿庭空夜帳露華如雨濕秋衣
蓬萊山下花無數遲子吹簫作伴歸

送智惠隱住水月禪院

放船直到棲禪處萬頃湖心一徑開
綠樹鳥驚風落果碧潭龍去水生苔
西巖尊宿傳燈在東海高僧杖錫來
今夜月明清似水太空無地著纖埃

御選元詩

卷五十一

成廷珪

十三

寧境寺涵碧軒

老衲築軒湖上頭半間曾借數宵留
窗迎紫翠千峰月簾卷玻瓈萬頃秋
別浦暝時迷遠樹滄洲明處見飛鷗
定回坐待波瀾靜一點珠光夜不收

送陳性之崑山從事

只將從事寫前銜省檄封來自拆緘
六案更須勞彩筆一官猶未換青衫
風生海市朝持酒日落江城暮卸驂
我未識君空悵望恍如煙水隔仙凡

題王維賢所藏盛子昭畫雙松繫舟圖

雲門寺前風物幽布韞青鞋吾昔游
葫蘆盛酒待明月

舴艋載琴當上流長松並立幾千尺狂客一別三十秋
何當挂席過湖去東望草堂姑少留

宿鶴沙張氏草堂

草堂借我作行窩杖履頻煩太史過滿地白雲清晝永
隔溪黃鳥綠陰多銀餅自瀉中山酒鐵笛誰翻小海歌
今日逢君須盡醉西家亭館奈愁何

寄題松江青龍瞿睿夫通波草閣

五月通波草閣寒綠陰長日此凭闌山如碧鳳參差出
江作青龍左右蟠攬子燒香雲母火櫻桃行酒水晶盤
老夫亦有鷺溪綃也欲相從看寫蘭

題何德深溪南小隱

御選元詩

卷五 成廷珪

十四

宰相官之不受招碧梧林巷自逍遙溪頭二月花先發
洞裏千年雪未消朝士過門時載酒仙人飛佩夜吹簫
社圖誰寫者英會還肯中間著老樵

寒食日松江有懷廣陵

老來也欲惜年華春正濃時不在家江上苦遭寒食雨
夢中猶見廣陵花書藏舊篋應無恙酒憶新樓不用賒
日暮荒城聞鬼泣東風吹恨滿天涯

次饒介之游東臯作

半雨半晴春更佳也知郭外少紛華蠻王步頭多載酒
李家園中來看花曲檻芳楹遞隱見蒼松老竹相交加
安得長繩繫烏足不放西崦紅日斜

縱飲狂歌晚未歸
松陰香霧轉霏微
醉中謾喜朱顏在
頭上爭禁白髮稀
無數野花迎客喜
一雙沙鳥傍船飛
浣花溪上真堪笑
每日朝回只典衣

同張仲舉夜宿寒橋

柔櫓聲乾破寂寥
青山磯下宿寒橋
乾坤萬事雙蓬鬢
風雨孤舟半夜潮
丹鳳不來秋又老
玉人何處水空遙
幾時重醉秦淮酒
細聽漁樵話六朝

李子英心遠亭

門外黃塵埽不開
何由吹得到靈臺
閒看倦鳥投林去
靜愛孤雲出岫來
彭澤高人多逸興
峩峩仙客有天才
祇今誰到悠然處
同采秋香共一杯

御選元詩

卷五

成廷珪

五

送袁季文赴帥幕

少年書劍學從軍
幕府於今氣不羣
白髮元戎多好武
青衫從事最能文
帳前草檄花如雨
江上維舟水似雲
把酒高歌成遠別
不知何處又逢君

南城暮春

南城雨盡午風和
二客相從步履過
流水陂塘春事減
落花門巷晚愁多
銀鉶自瀉沙頭酒
寶瑟誰調陌上歌
莫寫江南斷腸句
賀郎憔悴髮空皤

周平叔夜宿崇明寺
海雲樓借羅成之隱君文
長老盧隱君以沙頭雙鉶為韻各賦四詩次韻

卷後錄二首

天台老衲兩耆龐自起高樓枕石杲煮茗別開留客處
論文多近坐禪窗冥鴻散去猶相逐獨鶴飛來不作雙
明發仙舟上霄漢定傳詩話滿滄江

天水空明接杳冥老禪三昧解通靈欲將東海為平地
盡卷西江入淨餅宿靄微分沙鳥白晚風猶帶毒龍腥
他時月夜來相覓笑指狼峰五朶青

丘克莊敞雲樓

君家樓外雲如海五色輪囷埽不開每就月明檐下宿
更隨秋色座中來瓊臺夜鶴迷踪跡玉女春衣費翦裁
看汝乘將朝帝所舉頭西北是蓬萊

題玉巖上人溪山野趣圖

御選元詩

卷五

成廷珪

六

流水淙淙石齒齒滿庭雲氣欲糝糊白鷗溪上秋多少
黃葉山中路有無十月雨深漁屋破三江風急野航孤
年來難覓幽居處空向晴窗看畫圖

題嘉興水西寺爽溪樓寄新仲銘長老

新公邀作爽溪遊爲說前朝有此樓雲氣遠開天北極
風光仍在水西頭虛簷古瓦綠蒼鼠曲澗輕波漾白鷗
宸翰僅留飛白在煙塵漠漠使人愁

饒介之有詩見貽次韻奉答

一夜南風約曉晴看山如在越中行丹藏別室生虹氣
嘯入空巖作虎聲倒澗枯松留古怪懸崖飛瀑漱寒清
神仙若個能千歲吾欲崆峒問廣成

寄周平叔先生就求蒼耳子

周侯久不通書問夜夜滄江入夢頻五月采來蒼耳子
幾時分送白頭人沙頭酒熟田毛足港口船來海錯新
南北相望千百里老來幽獨倍傷神

送羅成之移居崇明其子季通亦之本州校官

先生八月乘煙霧妻子同隨海上查太守賓筵先肅客
廣文官舍即為家波濤浩蕩藏陰火島嶼微茫接太霞
聞說三洲多藥草可能無意到丹砂

寄靜逸處士顧仲庸

環堵蕭然一室寬只除詩酒寄清歡
餅中有粟分寒士袖裏無書上熱官
揚子暮年空識字龐公早歲已遺安
御選元詩

卷五

成廷珪

七

和張仲舉博士見寄至日詩

衡門風雪人稀到一箇幽軒竹四圍
半子送年將舊酒諸孫晚歲索新衣
驚鴻此日猶南去老鶴何年共北飛
却憶太常張博士天香攜袖早朝歸

送盛克明辟掾浙省移家吳興

十年三送滄江別此日分攜又不同
辟掾遠趨青瑣闥移家喜近水晶宮
勿論後會知何地且念離羣獨老翁
幕府郎君因問訊為言憔悴坐詩窮

和周子通助教同張元禎倡和詩卷

嬾性何堪接貴遊長松之下每科頭不能取友山中社

更欲移家海上州老去生涯清似水興來詩思澹於秋
玉堂傑作難為和自首狂吟只自愁

題崔原亨竹深處余家有竹數竿人號之居竹
軒原亨城西時有竹亦數竿人號之竹深處余
與崔君通家來往所好相同故及之

居竹軒中也自寬不愁無地著琅玕文公胸次空千畝
李洞門前只一竿天與老夫醫惡俗日馮童子報平安
崔家別墅尤高致遲子歸來守歲寒

和婁所性見寄韻

想見滄洲白鳥雙寒潮依舊落空江移家有日同春酒
翦燭何人共夜窗欲寄短書心未展每傳佳句意先降
御選元詩

卷五

成廷珪

六

吾家歲晚風流甚雪後冰壑尚滿缸
寄靈禪師四十年前在天寧方丈曾有求賦毛
女者

短杖輕包歸去來水雲多處少塵埃一春海鳥依檐宿
五月溪蓮繞舍開雲外送僧歸日本月中攜客過天台
衰翁不得瞻圓相猶望新詩托雁回

送清淮叟上人遊五臺

雁門西畔是靈山山作青螺五髻鬢春日花開殘雪裏
僧房人在白雲間善財參問何時遍文暢嬉遊幾日還
淮海清公更瀟灑早將聞見動禪關

張仲舉博士書來言其老健能夜書小字仍飲

量不減喜而賦此

一秋兩得平安報，讀罷寒暄喜不勝。花底振衣清似鶴，燈前書字小如蠅。蛻仙道骨無人識，博士官銜自此升。江上蓴鱸好時節，豈無清夢到吳興。

介之懷古有詩見和，復用前韻以荅。

江水東流去不還，幾人不老似青山。九州目斷蒼煙外，萬古魂銷落照間。石上烏啼松樹合，水邊人散柳花閒。更容野客重攜酒，爲報園翁莫掩關。

送謝參軍朝京

萬重玉帛會蓬萊，先報中吳進表來。內使傳宣催引見，舍人當殿拆封開。干戈載戢龍顏喜，正朔重頒鳳曆回。御選元詩

卷五 成廷珪

九

却袖天香上歸騎，定分春色到蘇臺。

和李克約東臯雜興

一春開徧雨中花，幾向東園管物華。老去始知身是客，愁來空擬醉爲家。江樓簾箔霏香霧，野塞旌旗絢采霞。曳杖歸來還自笑，夕陽原上數殘鴉。芍藥花開江雨晴，幾時重作看花行。松間攜妓從教俗，竹下留賓也自清。一夜春愁無處著，三分月色爲誰明。貧家亦有琴堪典，好把平生生意氣傾。

送學無遇長老歸江南

新賜袈裟染茜紅，拈花消息悟靈峰。大開海會容三教，遠致嵩呼祝九重。貝葉有書馱白馬，葛藤無語問黃龍。

湖船滿載燕山月歸照招提萬樹松

送錢萬戶歸泉南

八月歸來下澤車將軍此意復何如十年不佩封侯印
萬卷惟收教子書風月祇今尊有酒江湖何處食無魚
建溪為謝羅從事久不題詩寄竹居

再遊金山寺

放船重到金山寺獨對滄江照鬢絲過客謾驚天險處
老僧曾見海枯時通宵月色魚龍喜絕頂秋聲鶴鶴悲
瓊樹花開不歸去妙高臺上要題詩

贈綾錦墩隱者錢慶餘

手拄烏藤五尺長山行時著古衣裳缺文自補雲間志

御選元詩

卷五二 成廷珪

李孝光

二

賣藥多收海上方茅屋秋風催釀秫錦墩春雨看移桑
野人笑指長安路馬足車塵有底忙

李孝光

鄱江寺擁翠樓

縹緲新居一握天好山將綠到樓前煙霏入闥清談塵
紫氣薰人濕坐氈未放白雲分榻住愛看青雨映簾懸
自憐華髮江南客也為登臨憶仲宣

送青元觀道士玉泉

淮南道士傳鴻寶眸子照人雙電光貫日白虹生玉氣
出山青髓射天漿去年蹋雪尋丹井連日題詩滿畫廊
長憶青元送客處柳花無數繞衣裳

次陳輔賢遊雁山韻

竹杖梭鞋去去賒一春紅到杜鵑花
山椒雨暗蛇如樹石屋春深燕作家
老父行尋靈運屐道人喚喫趙州茶
明朝塵土芙蓉路猶憶山僧飯一麻

送人還鄱陽

東西湖水百花洲行子歸時雪已收
明月可能隨客去浮雲自足使人愁
重來柳樹應千尺相見梅花隔數州
我亦高歌望吾子春風好在仲宣樓

送國侍者

離別還同箭離弦題詩修竹記他年
蘆人楚語時相問估客巴歌也自傳
遙望牽颿上南斗正逢飛雁出青天

御選元詩

卷五十一 李孝光

三

縣縣遠道勞歸夢忽見梅花意惘然

送魯公還秦南

錦衣樹燾向秦川有客將離獨黯然
日食猶分丞相餅傳呼自愧孝廉船
春風過雁青天外暮雨行人積水邊
應到清湘聞款乃楚儂此曲至今傳

送鄞縣尹

秋風吹汝鬢成絲移病還家竟不疑
官是伯強曾補處身如元亮已歸時
青山老去渾相識黃菊平生最受知
我亦相從上吳會夕陽騎馬看殘碑

入雁蕩山

興國年間路始開前朝碑墨半蒼苔
雁橫巖月知秋到

僧蹋湫雲看瀑來一嶺未教靈運識萬松誰道了翁栽
此山曾共秋風約說與山猿不用猜

訪王君濟

好溪沙渚更停橈來訪仙人王子喬稚子候門如有喜
故人索酒不須招門舍古樹春先到簾映青山雪未消
老子紅顏如昔日只添白髮不相饒

七月十四夜宿東縣明日登山上亭

海上歸來訪舊遊草堂開宴醉新秋金花木落魚初鱸
玉液香浮酒旋篤展席涼風依綠樹振衣斜日濯清流
五年不見孫郎面一笑相看總白頭

雨後村行

御選元詩

卷五十一 李孝光

三

澤國秋深景物非西風獵獵又吹衣路行落日離人去
山破寒煙獨鳥飛潮信到灘推月上鄰家停火候船歸
村醪香軟鱸魚美自笑吟邊貌不肥

苦竹村

籃輿軋軋路高低苦竹村南古峴西草舍爨茅留客飯
麥田焚棘斷人蹊花稍春意關禽語石磴霜痕印虎蹏
心自愛閒身尚役好山何處是真棲

十里

官河十里數家莊石埠門前繫野航梅月逢庚江雨歇
稻花迎午水風涼橋橫自界村南北堠斷難知里短長
倦矣野塘行瘦馬雲山杳杳復蒼蒼

賦得越山越水

賀家湖上又秋風，放翁宅前東復東。
兩行雲樹忽遠近，十里荷花能白紅。
遊人濯足銀河上，越女梳頭青鏡中。
我欲張帆上南斗，扶桑碧海與天通。

梅魂

處士孤魂不可招，夜深疑與雪俱消。
香流東閣風吹樹，夢過西湖月滿橋。
隔歲冰霜哀契闊，空山玉雪想孤標。
蕭蕭翠袖令人瘦，莫遣尊中一片飄。

越鄉次舊韻

興來不賣剡溪船，疋馬衝寒款著鞭。
遶驛水聲殘雪夜，半橋山影夕陽天。
雁橫雲宕猶千里，春入梅花又一年。

御選元詩

卷五

李孝光

三

喚僕更尋前處宿，有詩還和舊時篇。

白沙早程

聽得鄰雞便問程，前途猶有客先登。
官河半落長橋月，僧榻疎明昨夜燈。
古渡潮生鷗浸夢，野田風急浪歸滕。
雁山喜入新詩眼，踏破秋雲最上層。

丙子泛舟登輿

雞埒豚穿半棹荆，邨北村南感易生。
雨過雪消連日凍，潮平水歇下塘聲。
鴉啼古樹寒煙濕，人謁荒祠小艇橫。
一段鄉情渾漠漠，隔江斜日暗孤城。

次晚春韻

燕幕沈沈春晝永，閒敲棋子小關東。
拍天漲綠連朝雨，

滿地殘紅昨夜風草際夢回詩有債柳邊寒薄絮無功
韶光暗換年年事莫遣閒愁著鬢中

宿魏仲遠宅

每憶君家好兄弟輕舟遠出踐深期春風吹雨曹娥渡
夕照滿山虞舜祠即問寒暄如夢寐各言加飯慰相思
重來應記呼燈處夏蓋山前月上遲

周伯琦

遊金山寺

江心一簇翠夫容金碧晶熒殿閣重隱士有緣來化鶴
梵王無語坐降龍鐘聲兩岸占昏曉海眼中冷湛夏冬
八十高僧供茗罷細談蘇米舊時蹤

御選元詩

卷五

李孝光

周伯琦

五

遊焦山寺

涉江已閱裴公洞復訪焦先到此山險絕遠同巴蜀峽
巋然對峙海門關神蛟戲浪時潛躍野鳥巢林自往還
建業青山廣陵樹開軒盡在酒壺間

裴公洞即金山寺蓋唐裴公所隱之地石洞尚在焦

山寺乃漢隱士焦先隱居之所也

紀事

并序

至正十一年歲辛卯二月一日天下貢士及國子
生會試京師凡三百七十三人中書承詔校文取
合格者百人充廷對進士先二日鎖院凡三試每
試間一日十有二日揭榜時參政韓公伯高知貢
舉尚書趙君伯器同知貢舉予與左司李君孟幽

考試博士楊君士傑修撰張君仲舉同考試收掌
試卷則典籍毛君文在也諸公皆翰苑舊游誠盛
會也紀事奉呈

鳳皇銜詔下亨衢多士盈廷總八區北斗光芒明策府
東風生意滿皇都墨池淨几環香鼎燭影疎簾聽漏壺
拭目慶雲華穀旦敢令滄海有遺珠

禮闈半月得從容料峭春寒似早冬警夜每聞三弄角
論文直到五更鐘雁來遠路驚流景草茁閒庭失舊蹤
得士共爲天下賀明朝揭榜醉黃封

答復見心長老見寄

浙水東頭佛舍連蒲菴上士坐忘年五雲古衲層瀾湧
御選元詩

卷五

周伯琦

曾堅

支渭興

五

百寶浮圖列宿躔牀上貝書多譯梵門前海舶直通燕
比丘喜得階蘭秀應種菩提滿法田
九載違離得遠書幾更歲曆斗旋樞華星秋月超元白
峻嶺重江限越吳柏子樹陰浮碧砌蓮花漏水響銅壺
老夫素有林泉癖一曲何當乞鑑湖

曾堅

次韻答朝友曹子貞

柳簇金溝蘸碧波雲深貝闕瞰重坡鳳皇曲奏鈞天樂
烏鵲橋通織女河萬井閭閻春浩蕩六街車馬曉經過
山人素有林泉興奈此承明侍從何

支渭興

至正二十六年重午梁王宮門外觀射柳隨侍
文武賜宴涓興賦詩

地平如席草如茵年少將軍酒半醺朱鬣馬穿人影過
綠楊枝逐箭鋒分旌旗色映宮牆柳鼓角聲飄海外雲
何日鯨鯢俱息影普天偃武共修文

貢師泰

和石田馬學士殿試後韻

并序

丁卯歲學士與先君同為讀卷官在院倡和甚多
此則放榜後所作韻也

春風馳道入宮牆青瑣深沈引夕郎草染綠波生太液
花扶紅日上披香聲名已重千金璧恩寵方隆七寶牀

御選元詩

卷五

文淵

貢師泰

三

治世斯文今極盛九天星斗自成章

崇真宮醮罷敕畫吳宗師像

海日曛曛照九衢霓旌霞旆擁高居上方敕畫仙官像
中使傳宣學士書劍氣朝寒垂白練丹光夜暖出紅蕖
石壇醮罷清如水猶聽松陰起步虛

送黎兵胡萬戶南還

將軍仗策去安邊詔下東南萬里天雲海旌麾趨玉帳
春江鼓角載樓船黎人滿溜檣榔水艇戶齊分牡蠣田
遙想軍中無一事坐驅千騎獵平川

送陶翁歸豫章

秋雨初晴穉稻香蟹紅魚白憶江鄉十年客枕雞聲月

千里歸帆雁背霜，入室親朋羅酒饌。上堂兒女挽衣裳，逢人莫說金華事。漢署今無白髮郎。

送壽弘毅應奉赴興國路經歷

院門深鎖落松花，東接蓬萊小海斜。絳蠟夜深催視草，紫泥春早聽宣麻。鳳皇池上人辭直，鴻雁江南客過家。幕府秋來清似水，吟詩應對白鷗沙。

贈仙居散人

青山四面玉嵯峩，中有山人隱薜蘿。細雨閒門芳草滿，微風深澗落花多。童窺丹竈時驚鶴，客寫黃庭欲換鵞。我亦平生愛疎散，春來應許謝朝珂。

廣微天師祈雪有應詩以美之

御選元詩

卷五

貢師奉

三七

九枝燈照碧壇空，龍虎旗高滿殿風。綠簡夜深朝玉陛，素幢春淺拂珠宮。一天凍色星河合，萬里冰華陸海同。明日內家應錫宴，綵符爭取綴釵蟲。

送連子奇歸隱贛州

薊門風冷白鷺來，萬里孤舟一日開。去路定過彭澤縣，到家重上鬱孤臺。煮茶林下收黃葉，理釣磯邊埽綠苔。太史明朝占處士，少微依舊傍三台。

上都詐馬大燕

紫雲扶日上璇題，萬騎來朝隊仗齊。織翠轡長攢孔雀，鏤金鞍重嵌文犀。行迎御輦爭先避，立近天墀不敢嘶。十二街頭人聚看，傳言丞相過沙堤。

椽櫚別殿擁仙曹寶蓋沈沈御座高丹鳳銜珠裝驪裹
玉龍蟠甕注葡萄百年典禮威儀盛一代衣冠意氣豪
中使傳宣捲珠箔日華偏照鬱金袍

卿雲弄采日重暉一色金沙接翠微野韭露肥黃鼠出
地椒風軟白翎飛水精殿上開珠扇雲母屏中見袞衣
走馬何人偏醉甚錦鞬賜得海青歸

簫韶九奏南風起沙燕高低撲繡簾醺醪酒多杯迭進
鷓鴣香少火重添舊分宮錦綠衣禡新賜奩珠簇帽簷
日午大官供異味金盤更換水晶鹽

寄王魯川推官

公庭草綠訟聲稀時見雙雙蛺蝶飛曹史盡隨衙鼓散

御選元詩

卷五

貢師泰

天

理官獨抱獄書歸曾同太守行紅旆更與高僧別翠微
近報南臺多辟薦殿前早晚賜朝衣

送宋仁甫赴池州陰陽教授

北風吹雪路漫漫萬里荆門客正寒自愛青衫同博士
也勝白髮老長安城南款段此時別江上芙蓉到日看
我亦春來買舟去九華絕頂望揚瀾

新蝶

杏樹生香蠹化成向人飛下不勝情寒辭薄翅猶粘粉
暖溢柔鬚始弄晴燕舞盤中嫌露重鶯歌扇底避風輕
春閨未解南華夢乞與滕王為寫生

送明原道南豐判官

日華西轉萬年枝
記得甘泉奏賦歸
佩馬新迎州倅節
緋魚舊賜從臣衣
詩成江驛梅花瘦
酒醒山城蕨菜肥
爲謝南豐舊詩友
白鷗春夢繞苔磯

送江西傅與礪赴廣州教授

買得吳船便欲東
更騎羸馬別諸公
文章久許江西盛
詩律應歸海外工
人羨義陽封介子
客從泰畤薦揚雄
五羊城下南風起
茉莉花香荔子紅

冠州

萬里關山鬢易華
冠州橋下御河斜
千門煙冷分榆火
三月春寒見杏花
新水聚船人趁市
順風吹旆客還家
莫憐書劔煩漂泊
擬學東陵老種瓜

御選元詩

卷五

貢師泰

元

朱仲文編修還江西諸公分題賦詩爲餞余適
同載南歸約至揚子橋分別因爲賦此

瓜州渡口山如浪
揚子橋頭水似雲
夾岸芙蓉紅旆旒
滿汀楊柳綠紛紛
一杯酒向今朝別
萬里船從此處分
他日重來須艤櫂
莫教驚散白鷗羣

揚州別幹克莊僉憲

紅日東生綠霧收
海風吹客到揚州
露分仙掌金盤冷
香動瓊花玉樹秋
使者乘驄開大府
仙人騎鶴醉高樓
朝來別我垂楊岸
珂佩如雲簇水頭

題丁元善鍊師陽明樓

賀老家西百尺樓
好山多處稱仙遊
丹光散作霞千縷

劍氣吹成月一鉤窗外鶴歸遼海暮袖中龍起鑑湖秋
道人久直黃金殿可使歸來雪滿頭

贈天台李鍊師

翠蛟青鳳下晴空家住天台第幾重歲久松肪成琥珀
夜深丹氣出芙蓉仙童奏簡騎文虎太乙懸旗起絳龍
昨夜從師到天上故山還著白雲封

吳景文居庭牡丹盛開飲後有感

韶光天遣屬君家猶是東京第一花金鼎夜寒團絳雪
錦機春暖簇紅霞倚風忽作纏頭舞避日還將便面遮
薄暮闌干同醉倚却憐孤客鬢先華

送有亨姪還錢塘

御選元詩

卷五十一 貢師泰

三

嗣宗諸姪仲容賢客路飄零雪滿顛曾爲頌椒留子美
却思戲蠟愛僧虔十年江海三杯酒百里溪山一釣船
何日兵戈得休息敬亭春雨共歸田

次韻李清叔元夕

絳燭燒煙散滿城九衢車馬似潮聲山河影轉琉璃薄
陸海光浮菡萏平蜨睡誤翻歌扇暖鵲驚疑報畫簷晴
夜闌人靜天如水依舊殘星數點明

題子固所藏鮮于墨蹟

一自昭陵藏墨本書名誰復更超羣忽傳河朔專行草
不讓吳興變隸分黃鵠夜深隨落月白鷺秋冷化孤雲
風流賴有張公子雪繭封題比右軍

游元沙馬上偶成

十里青山馬上看，東風拂面尚微寒。
偶隨芳草來僧寺，却笑飛花點客鞍。
東野先生方載酒，西都博士亦彈冠。
莫憐白髮江湖遠，且爲諸公一盡歡。

泉州道中

千山落日丹霞北，萬里孤城白水南。
玉腕霜寒凝紫蔗，金丸露暖熟黃柑。
海商到岸纔封舶，蕃國朝天亦賜驂。
滿市珠璣醉歌舞，幾人爲爾竟沈酣。

題仲穆山水

翡翠爲崖金作坡，白雲重疊護曾阿。
背琴童子松間坐，束帶仙人馬上過。
高閣半天開寶月，飛流千尺寫銀河。
王孫已老丹青在，轉覺風流意氣多。

御選元詩

卷五十一

貢師泰

三

送顧仲莊之海北

釣龍臺下與君別，萬里東南何日還。
星斗動搖天在水，海門空闊浪如山。
珊瑚寶樹來三島，鸚鵡金籠出八蠻。
簫鼓船回應北上，鳳池春早珮珊珊。

送洪元成赴靜江治中

海上東風吹鬢毛，杏花開處雨蕭騷。
薦書舊最司征考，官錦新裁別駕袍。
落日山城旌旆遠，拍天春水舵樓高。
莫憐投老多辛苦，萬里行囊有豹韜。

題李則平憲副所藏息齋竹

滿川風雨長篔簹，吹作參差三鳳皇。
簪粉已翻鱗甲紫，

墨花還染羽毛蒼春寒弱幹當軒潤日暮清陰入酒涼
便欲截筒鳴嶰谷却愁彈瑟望瀟湘

謾興

客懷寥落鬢鬢驂對鏡空慚雪一簪蒲葉野塘方綠漲
杏花春雨正紅酣心隨斗柄長瞻北身逐颺車復指南
夢覺午窗人寂寂一雙巢燕自呢喃

御選元詩卷第五十一

御選元詩

卷五十一

貢師泰

三三

御選元詩卷第五十二目錄

七言律詩十一

李士瞻二首

盧琦八首

買住一首

朱德潤六首

陳廷言一首

趙奕二首

趙麟一首

王餘慶一首

鄭元祐十二首

御選元詩

卷五十二

目錄

鈕麟一首

葉廣居二首

元顏師中一首

月忽難一首

焦白一首

馬熙一首

曹文晦十三首

賈策一首

劉肅一首

邵思文一首

卞思義八首

王造二首

王謏一首

嚴瑄一首

蔣堂一首

陸行直一首

陸宣一首

趙渙二首

瞿智二首

俞庸一首

俞俊二首

楊慶源一首

御選元詩

卷五

目錄

張舜咨一首

錢岳一首

唐棣二首

許德潤一首

屠性一首

聶鏞三首

陳聚一首

夏溥一首

方子京一首

王霖一首

朱公遷二首

祝蕃一首

葛元喆一首

劉中孚一首

陳高三首

陳駭一首

顧遜一首

甘立三首

袁泰二首

賈實烈門二首

達溥化一首

楊貴亨一首

御選元詩

卷五三目錄

辛敬五首

楊士弘一首

彭鏞一首

顧觀二首

葉杞一首

高明一首

王冕八首

張天英一首

郭翼十首

御選元詩卷第五十二

七言律詩十一

李士瞻

甲午歲題江漢王粲樓和荅石蠻彥修韻

大江西下思漫漫
憔悴王郎舊倚闌
豹虎晝嗥沙草白
鞭轡夜轉井梧寒
帛書喜托雲中雁
錦字羞題夢裏鸞
魏國山河劉社稷
可憐無地望長安

春日陪讌道山亭口占

二月春明花乍殘
道山亭上翠如鬟
天開圖畫峰攢戟
地接蓬萊雪滿關
雙鳳巢雲朝貝闕
六鼉駕海出人寰
薇垣官從多時彥
聽取山人半日閒

御選元詩

卷五十二 李士瞻 盧琦

盧琦

依韻荅歐士中

客舍淒涼生綠蕪
經年祇傍野人居
尊空每買鄰家酒
巷僻應回長者車
白鳥夢殘楓樹冷
黃花香老竹籬疎
相逢且莫談離別
一別如今十載餘

重遊蓬壺因呈諸公一笑

我來作縣已三載
偏愛毗湖春酒香
溪上畫橋朝繫馬
雨中茅屋夜連牀
多情黃鳥短長曲
無數桃花濃淡妝
欲學淵明歸種柳
不栽桃李滿河陽

予客莆中同登壺山真淨巖訪古道了堂二師

松扉深入白雲中
躡磴捫蘿路可通
結社幾人從惠遠

登山何處覓壺公五更客夢茅簷雨六月秋聲木葉風
獨倚闌干望江海故鄉應在海門東

寓平南善應菴述懷

去年過此身猶健今日重來一病翁亂地風霜如塞上
隔江煙火是莆中孤鴻喚月秋空碧萬葉經霜野樹紅
竹下閉門來客少清談日與老僧同

和林子蒼元妙寺值雨

兩袖清風緩轡遊粵王城下少淹留客衣半濕松花雨
鶴影先分竹院秋采藥僧歸雲外路吟詩人倚樹間樓
憑君汲取前溪水為洗塵中浩蕩愁

仲秋寓徑江張伯雅席上作

御選元詩

卷五十一 盧琦

二

征衫一路拂輕埃袖得嵐光渡水來月色不如今夜好
客懷應為故人開香隨桂子雲間落夢逐潮聲海上迴
醉倚西風賦離別明年何處共銜杯

題南岡上人詩卷

曾見天華落講堂翩然振錫白雲鄉蓋茅絕壁星辰近
採藥深林雨露香獨鶴當窗松影瘦老龍歸洞夕陰涼
相思欲寄新成偈落葉蕭蕭山路長

美人折花

曉縮春雲出戶來凌波微步下瑤階潛身折處香凝指
正面看時影在懷鶯蹋露珠沾翠袖蝶隨春色上金釵
石闌干外莓苔滑歸院應須換繡鞋

買住

和伯篤魯丁浮雲寺

馬首山光潑眼青柳邊童叟遠歡迎花飛南苑春方暮
涼入西樓月半平野鳥喚晴聲正滑主人留客酒初行
明年我亦燕山去稻可供炊魚可羹

朱德潤

遊梁溪暮歸

古樹呼風作雅音石梁溪渡景沈沈山橫宿靄曉晴薄
人倚曲闌秋思深潁水空遺黃鶴恨茂陵多感白頭吟
棲遲莫厭歸來晚明月驚烏繞故林

送趙季文任湖州錄判

御選元詩

卷五

買住

朱德潤

三

百里奉親官署近萱堂春早燕呢喃桃花紅似郎君馬
楊柳青於從事衫蒼苔水漁舟煙浩渺何山書舍石巉巖
莫思杜牧尋芳晚剩有新詩寄一緘

俞元明參軍雪中以詩招飲就和韻時學士東
泉魯公大參叔能王公御史子昭郭公同行

上方山頭雪迷路石湖橋上作行春湖光萬頃送歸棹
山鳥一聲如喚人靜樂可忘軒冕貴清游端勝綺羅塵
人間今古誰能賞詩思不如圖畫真

送達兼善元帥赴浙東

伏波將士出鄞東夜斬鯨鯢碧海虎帳護寒雲蔽日
龍旗催曉浪翻風帆開鷁羽梳星白箭拂髦頭血點紅

洗手便聽歌凱捷大藩文帥作元功

和李仲節詠落花韻

谷鶯啼老稚桑新粉褪紅消只數晨輕逐曉風粘酒筭
半和塵土上車輪香隨流水千年恨影別殘陽幾度春
却憶當時砑光帽山香一曲淚沾巾

題子明雪泉

萬壑輕澌渡薄寒碧雲深處互漫漫六花濺沫成天巧
一脈潛流激暮湍石鼎茶溫風味冽玉壺冰皦露華乾
荆溪白石天寒夜誤作山陰道上看

陳廷言

題丹山

御選元詩

卷五三

朱德潤

陳廷言

趙奕

四

潺湲洞口看飛瀑細雨霏霏灑接離白水真人好結客
碧山學士愛題詩鞠侯夜嘯三花樹野鹿時銜五色芝
試問劉樊仙去後何人來此共襟期

趙奕

雨窗寫懷

幽窗談笑話平生三十年間幾度更白髮滿頭今已老
青山排闥故多情桃花灼灼應無語春雨蕭蕭尚未晴
明日扁舟攜好酒南村筍蕨正堪烹

遊玉山佳處寫贈仲瑛

我愛玉山奇絕處碧梧翠竹映闌干軒窗傍水琴書靜
樓閣連雲宇宙寬山色溟濛還淡淡湖光潏灩自漫漫

登臨縱目無窮處落日西風作暮寒

趙麟

武夷山

三十六峯秋氣清翩然鸞鶴珮環聲客留明月山中宿
人在白雲天半行溪路碧桃深九曲洞天瑤草問雙成
神仙有約不可到更擬重來話此生

王餘慶

武夷山

流水扁舟趁落花諸峰秀麗足煙霞橫機似有天孫織
架壑疑留漢使槎巖頂雞啼醒世夢雲間犬吠認仙家
三杯石上三生約安得歸來度歲華

御選元詩

卷五

趙麟

王餘慶

鄭元祐

五

鄭元祐

送貢司業泰甫

代祀躬趨黃木灣歸朝仍綴紫宸班識高京兆囊封後
道在河汾戶屢間迎日講筵瞻鳳宸籲天經術動龍顏
異時歸定藏書穴好在南湖疊嶂山

錢道士游仙

綠髮飄蕭禮上元明星遙隔絳河邊香銷楚澤春風佩
愁入湘娥夜雨弦素手不將條脫贈綺疏惟把步虛編
西神峰頂飛霞觀小駐鸞笙五百年

靈巖涵空閣

吳王宮闕草萋萋飛閣重登意轉迷洗硯池邊雲欲暝

拜郊臺上日平西湖涵遠浪千帆沒樹響悲風一鷗棲
江海鷗夷招不返荒煙野水鷓鴣啼

和薩天錫留別張貞居寄倪元鎮

梁溪歲暮若為情溪上梅花待曉晴逕雪冷埋山屐齒
簷冰夜墮石牀聲內篇攜向松根讀如意持將竹裏行
短晷何能理幽事南窗剪燭話寒更

次韻劉憲副春日湖上有感

湖水西邊舊是家春風繞屋種梅花傳聞故老談前日
愛教仙人服幼霞鶴老離巢松化石鸞孤照水竹穿沙
只今重到經行處憔悴蕭郎兩鬢華

潮落空城誰重過猶餘里耳聽鳴珂襄陽耆舊知誰在

御選元詩

卷五 鄭元祐

六

江左風流不厭多自見石麟眠枳棘長聞蜀魄叫松蘿
野梅開盡西湖雪萬斛春愁奈爾何

楊鐵崖新居書畫船亭

草元心苦意如何樣岸舟輕不動波聽雨夜篷燒燭短
截雲湘竹噴愁多賦成猶夢橫江鶴書罷應籠泛渚鷺
想見後堂涼月夜彭宣腸斷雪兒歌

春遊石湖

越來溪上水融融閒鷺鴦夷擢底風暖霧黃消治平寺
燒痕青入館娃宮笙歌作樂年年少魚鳥關情處處同
弔古從來易興感尚循華髮繫孤篷

遊支硎南峰

詞客幽尋勝洞庭神僧名跡在支硎馬騎仄徑猶存石
鶴放顛崖尚有亭巖底泉飛輕練白峰頭龕蝕古苔青
到來頓醒紅塵夢萬樹松濤沸紫冥

寄雲南蕭元帥

南望元戎玉帳寒炎炎桂海息狂瀾牽獅入貢金連索
騎象來朝屬織鞍丞相渡瀘先鬚白將軍標柱獨心丹
春波涸盡思霖雨箕畢星躔夜夜看

送章高士入閩兼簡杜清碧先生

風日晴縹楊柳風翩然獨鶴過南溟山中每憶羅公遠
海上重逢武達靈榕葉擁雲山似簇螭房烹玉酒初醒
小冠子夏如相問爲話窮愁老一經

御選元詩

卷五

鄭元祐

鈕麟

葉廣居

七

送毛彥昭歸三衢

載雪曾過太末溪天寒砂石淨無泥碓春白粲連灘響
橘熟黃香壓樹低水驛燈明驚見雁蓬窗酒醒忽聞雞
龜峰記在君歸讀異日春風聽馬蹄

鈕麟

垂虹橋

老龍天半倚高寒氣壓三吳控百蠻江海水深吞合璧
東南地圻鎖連環玉欄凭日天應近石洞藏雲夜不關
老我一雙題柱手釣鼇猶在五湖間

葉廣居

自題隱居

瘦木裁冠鶴斃輕十年塵土厭飄零小山舊隱雲封戶
大藥新成月滿庭丹井夜交龍虎氣碧簫春躡鳳皇翎
西風客舍炎歊淨擬讀琴心內景經

寄楊廉夫

聞道西湖載酒還飛瓊弱翠擁歸鞍可無私夢登金馬
剩有春聲到玉鑾異國頓消鄉井念小堂新作畫圖看
野人未納彭宣履獨向清溪把釣竿

元顏師中

雙清秋月

高城木落見清秋亭館丹青在上頭落日遠邀孤鳥沒
蒼山長夾兩江流東西舟楫通荆楚咫尺關干近斗牛
御選元詩

卷五

葉廣居

元顏師中

月忽難

八

月忽難

遊茅山

大茅峰頂神仙府石徑崎嶇幾屈盤老兔幻來呈玉印
蟄龍飛去賴金丹喬松白鶴天壇遠流水碧桃仙洞寒
何處吹笙明月下珊珊環珮欲驂鸞

焦白

奉寄良夫高士

近讀南州高士傳每聞徐穉總能文空山自飽青精飯
深院誰書白練裙采菊正臨籬下雨折梅還寄隴頭雲
先將短句殷勤寫比到荊州已識君

馬熙

和可行鄉友具宴

石溜穿渠瀟瀟鳴眼中幽事總關情故人載酒不盡醉
好鳥隔花空有聲但使軒扉常款客不妨松菊屢尋盟
西風瘦馬長安路說與山靈笑絕纓

曹文晦

和山居

解却塵纓到處閒底須峴首與商顏獨醒不慕酒泉郡
太瘦休嘲飯顛山得路謾誇騰踏去有巢何待倦飛還
近來生意君知否種得琅玕與藥欄

早年節槩慕長纓晚入元關探杳冥歲計僅餘供鶴米
御選元詩

卷五

馬熙

曹文晦

九

家傳只有相牛經三更清氣坐生白千載空名避殺青
兒輩幸能書姓字底須辛苦學黃庭

新山別館十景

并序

耳目所得者為景性情所得者為樂景常多而樂
常少者何也今夫農夫樵牧之處於山野也雲峰
雪嶺清泉茂林日當其前身勞於斧斤犁鋤而不
知所以為樂富貴之人心醉於聲色勢利雖有涼
風佳日異卉名花亦不暇顧以為樂間有高世絕
俗之士歸田園而見南山拄手版而挹西爽者噫
可數也夫余家東北麓作考妣祠堂題曰新山別
館直赤城之陽烏岡之右隴勢北走而中斷屋臨

山北繚以修垣牽連岡隴前挺高竹後植羣松上
下雜選蒼翠如織東偏爲門登石版涉隴上旁通
支徑彎環花竹間入館中西翼小亭坐可五六人
有負嶠却立其前樹氣清郁禽語瀏亮皆若效奇
以出映帶後先余以耳目所接次其景性情所得
發爲韻語雖不足以鼓吹風雅然必著之篇什者
志吾樂也吾之樂異乎前所聞非徒樂是山之景
而樂吾親之所遺我者何如也同志之士一唱三
和吾蚤暮誦之館中以樂吾之所樂亦仁人永錫
爾類之心至正庚寅夏日

桃源春曉

御選元詩

卷五

曹文晦

十

數點殘星挂綠蘿看桃行入舊山阿洞門花霧紅成陳
沙麓巖前翠作渦天外曙紅驚鶴夢水邊啼鳥和漁歌
劉郎去後無人到吟倚東風草色多

赤城棲霞

赤城霞起建高標萬丈紅光映碧寥美人不卷錦繡段
仙翁瀉下丹砂瓢氣連海嶼貫旭日光入溪甕生春潮
我欲結爲五色佩碧桃花下呼周喬

雙澗觀瀾

柱峰堂下翠紛紛俯鑒澄源氣自芬兩澗合流元有緒
八風吹水自成文云云尚想在川上混混終當放海濱
欲舉源頭問寒拾幽亭盡日對松雲

華頂歸雲

四萬八千山上山山中夜夜白雲還底須出岫彌六合
且復與僧分半間古殿結陰燈影澹長松留暝寺門關
謫仙已覽廬山秀留得書堂相對閒

螺溪釣艇

舊日溪源浸巨螺一竿來此老漁蓑遠尋短檝輕舟興
高唱斜風細雨歌夜泊松潭明月近晝眠花港綠陰多
朝朝老瓦盆邊醉冷看王孫細馬馱

清溪落雁

清溪溪口荻花秋底事年年伴白鷗北去不辭書帛寄
南來非爲稻粱謀荒煙渺渺長橋外落葉蕭蕭古渡頭
御選元詩

卷五

曹文晦

十一

見說洞庭風月好碧波千頃少漁舟

南山秋色

觀彼南山小衆山霜明紅樹碧雲寒餘清入座挹不盡
積翠浮空染未乾漠漠祇愁晴霧隔霏霏休待夕陽看
何人會得悠然趣前有陶公後有韓

瓊臺夜月

萬仞臺端接絳霄秋風吹夢度金橋素娥獨倚白銀闕
羽客雙吹紫玉簫清氣逼人凡骨換孤光入酒醉魂消
繡襦甲帳今何在誰爲文生一見招

石梁雪瀑

山北山南盡白雲雲中有水接天津兩龍爭壑那知夜

一石橫空不度人潭底怒雷生雨雹松頭飛霧濕衣巾
曇華亭上茶初試一滴曹溪恐未真

寒巖夕照

巖戶陰森隔萬松暮雲捲盡寺林空天邊漸蝕千峰紫
木杪猶餘一縷紅兩箇歸僧開竹院數聲殘磬度溪風
憑誰喚起寒山子共看迴光入梵宮

聽泉

佛閣燈昏石磬殘漸聞巖竇玉珊珊月沉古洞一猿歇
人倚修篁兩耳寒水樂洞邊趺蘚石香爐峰下認松湍
何如賞此秋風曲擊節清吟到夜闌

賈策

御選元詩

卷五十一

曹文晦

賈策

劉肅

邵思文

十一

鶴骨笛

九臯聲斷楚天秋玉頂丹砂一夕休枯骨挽回生死調
淒涼吹盡古今愁魂歸遼海雲迷樹曲罷江城月滿樓
惆悵主人三弄罷杳無消息到揚州

劉肅

玉山佳處

故人遠招揚執戟酒船回到孝廉家玉山獨立高如屋
潮水西迴曲似巴鐵笛吹翻蛟蜃窟清娥舞落芙蓉花
何日問潮亭子下更邀齊已卧煙霞

邵思文

感興

聞說昭王未築臺此生空抱濟時才青衫外史江南老
白髮中官海上來自信文章追董賈可能游俠效鄒枚
春風處處堪腸斷莫上層樓看劫灰

卜思義

鐵笛詩寄楊廉夫

一段清冰百鍊鋼曾翻宮徵侍虛皇裂開黃鶴磯頭石
驚落青鸞鏡裏霜仙子佩環新樂府翰林風月舊文章
道人清節磨礲久却笑桓伊獨據牀

和楊廉夫新居韻

樓居最喜傍西河春水溶溶生綠波近市小橋雲影亂
隔簾疎雨竹聲多執經弟子登金馬換帖山人贄白鷺
御選元詩卷五 卜思義
欲向樽前吹鐵笛且聽牙板翠兒歌

贈清隱楊鍊師

野鶴昂藏自不羣往來瀛海絕羃氛碧瞳老去照秋水
石室曉來生白雲採藥每于松下見步虛時向月中聞
太元親授神仙秘霜蘚淋漓舊墨紋

侍宴疊嶂樓次蘇資道韻

使君閒暇宴高臺珮玉珊珊得重陪無數好山成疊嶂
一灣流水似天台煙中佛寺藏樓閣火後人家半草萊
不用登臨增感慨春風梁燕又歸來

西津渡

西津渡口望瓜洲候吏歡迎使客舟天塹已無南北限

江流不盡古今愁雲連巨艦來湖口風送殘潮過石頭
驛舍題詩滿東壁重來還憶去年秋

毘陵元妙觀

古柏青杉鎖翠霏寥陽金闕隱元扉旛幢影動羣仙下
星斗壇空獨鶴歸高閣雲深分樹色修廊雨過濕苔衣
壁間若問雙龍迹化作天池寶劍飛

次王安行韻

扶策來尋隱者居閉門重著絕交書入城無事不騎馬
臨水有時看釣魚未羨淵明開菊徑擬從諸葛住茅廬
清時羽翼知多少肯散黃金學二疏

次楊廉夫韻贈歌者翡翠屏

御選元詩

卷五

下思義 王造

十四

揚州曾賞瓊花宴吳下新傳翡翠屏湘水月明環珮冷
巫山雲濕髻鬟青蹙金孔雀非爲貴隔屋琵琶正好聽
青鳥無情易飛去雕籠深鎖重丁寧

王造

奉寄良夫有道

羨君才思獨飄然愧我家無負郭田衰老未曾婚嫁畢
積書猶望子孫賢一溪流水琴三尺萬樹梅花屋數椽
倚杖衡門紅日落前村遙見隔林煙

立春感懷寄良夫

韭黃蘆白簇春盤又見東風換苦寒萬里乾坤容短髮
百年日月走飛丸霑唇椒酒愁中飲過眼金旛夢裏看

湖海飄零常作客，舉頭見日憶長安。

王諶

商行北燕，經會通河舟中感懷。

身離鄉國經三月，路入關河已二千。
遠岱微茫秋色裏，孤舟蕩漾夕陽前。
愁來夜靜挑燈坐，醉後身閒聽雨眠。
書劔十年成底事，羞言商賈向幽燕。

嚴瑄

洮湖

遠水長天入望賒，有人當檻岸烏紗。
八風不動飛孤鶩，萬頃無垠浴落霞。
漁父垂綸秋練淨，商人停櫂夕陽斜。
直疑身在冰壺裏，孺子歌殘興未涯。

御選元詩

卷五十一

王諶

嚴瑄

蔣堂

陸行直

五

蔣堂

題溪山環翠樓為月潭印師賦

不到虎溪三十秋，今聞溪上印公樓。
山光繞屋天應近，雲氣侵窗座欲浮。
白鶴傳書曾點破，清泉咽石自分流。
何時重到花巖裏，歷覽山川訪舊遊。

陸行直

致仕還家問訊海棠

湖濱春水似桃源，楊柳青青燕子喧。
晴日暖雲歌玉樹，錦天繡地醉金門。
流光冉冉長為客，清夢時時繞故園。
借問當時花下影，紫簫聲斷幾黃昏。

陸宣

對雪懷倪雲林

徘徊急雪隨風舞次第疎梅繞路開身世飄零愁作客
道途艱阻老相催倪寬久矣無書札阮籍何妨醉酒杯
歲暮天寒人事盡江村牢落更堪哀

趙渙

過道場山

愛此道場泉石好公餘每到即欣然兩山空翠疑無地
一塔高寒別有天未暇畊田深隱遁何妨煮雨小流連
賞音最重東坡老爛漫雄章萬古傳

病後過道場山漫成

連日南山風共雨染深溪色綠依依官閒自喜詩添稊

御選元詩

卷五

陸宣

趙渙

瞿智

六

病起誰憐帶減圍柏府無才名漫在草堂有約夢頻歸
足艱未快登臨興空羨雲間鴻鵠飛

瞿智

盧彥志自台州候官至維揚

台州候吏揚州去驛馬回途一月期官寺偶分銀燭坐
客樓每怪玉杯遲山中桃樹仙人洞天下瓊花后土祠
盧彥此遊元不浪錦囊收得數篇詩

和羲仲晞顏

莫怪清狂似謫仙乘涼遠過玉山前劒簫夜動黃姑渚
翠被風生越鄂船雲樹亭臺全却暑蓉花簾幕半浮煙
賦詩刻燭良宵飲知是衣冠不乏賢

俞庸

病起口占

憶昔辭家塞北游，朝來何事怯新秋。
牀堆藥裹塵侵几，風靜書窗月滿樓。
伏檻長鳴憐老驥，引杯含淚惜吳鉤。
旌旗明滅西城路，落日長煙起暮愁。

俞俊

楚州夜泊

漏鼓聲頻欲四更，野航燈火對愁明。
城頭楚語驚鄉夢，船尾吳歌動客情。
漠漠水雲聽雁度，瀟瀟風雨自雞鳴。
離羣遠道何嗟及，未必江湖老此生。

次高原朴見寄韻

御選元詩

卷五

俞庸

俞俊

楊慶源

七

年少簪花壓帽簷，飛觴走竽競春纖。
空餘老淚青衫濕，遮莫新愁白髮添。
生計有涯蠶上箔，公庭無事鳥窺簾。
昔人漫說揚州鶴，自笑熊魚豈得兼。

楊慶源

有懷玉山徵士

近聞東觀藏書室，乃在崑崙元圃臺。
羣玉山頭海月出，武陵溪上漁舟來。
故人十載草堂別，仙家九月桃花開。
太白時時吹鐵笛，對酌花前鸚鵡杯。

張舜咨

次李士廉韻簡玉山

書樓琴几石嶄然，晴雪飛來太華顛。
墨本秘函枯樹賦

牙籤插架白雲篇清心求友先同調華髮逢人恥問年
共惜分陰珍雅玩封侯擬不到鳶肩

錢岳

赤烏碑

名利高開滄海邊豐碑新建赤烏年悲涼斷刻三江底
想像雄文六代前潮落雁沙看古篆月明鰕渚弔枯禪
中興賴有周郎記回首吳陵慘暮煙

周郎謂周弼

唐棣

宜晚亭

朱薨翠拱倚屏顏野色湖光指顧間薌散四時天竺雨
青浮兩點洞庭山諸方駐夏頻游憩近郭尋春任往還
御選元詩

卷五

錢岳

唐棣

許德潤

六

却憶幽棲姚子敬留陪歡詠叩禪關

寄題謝子翼晚翠亭

洞庭咫尺少經過嵐翠霏霏晚更多風作雨聲鳴墜葉
雲垂秋影落滄波楓林賽社聞村鼓橘渚開船發棹歌
欲泛空明三萬頃恨無題詠到陰何

許德潤

題橫玉山

鑿開橫玉住浮屠閒俯平湖一席鋪顧渚萬山煙外碧
弁峰一點望中孤勾吳古戍名猶在范蠡扁舟跡已無
布襪青鞋忘世久林間猿鶴莫驚呼

屠性

山閣

幽居只在碧山阿，高閣凌虛帶女蘿。
門外水生春渚白，窗前雲起夕陰多。
藏書每許鄰人借，釀酒時邀野老過。
見說南岡千歲柏，倚闌安得眇柔柯。

聶鏞

可詩齋

久知顧況好清吟，結得茆齋深復深。
千古再賡周大雅，五言能繼漢遺音。
竹聲繞屋風如水，梅萼吹香雪滿襟。
何日扁舟載春酒，為君題句一登臨。

寄懷玉山

美人惜別動經年，幾見婁江夕月圓。
怪底清塵從此隔，

御選元詩

卷五

屠性

聶鏞

陳聚

元

每懷詩句向誰傳，桃溪日暝垂綸坐。
草閣秋深聽雨眠，安得百壺春釀綠。
尋君還上木蘭船，虎頭公子最風流。
只著仙人紫綺裘，築室愛臨溪側畔。
鈎簾坐見水西頭，常時把筆題江竹。
最憶看山立釣舟，却羨多才于逸士。
清秋不厭與君留。

陳聚

君子亭

聞君結屋滄江上，萬竹青青帶薜蘿。
滿谷風聲秋不去，隔林雲氣雨偏多。
仙人騎鶴吹笙下，狂客題詩載酒過。
日暮新涼動蕭颯，娉婷翠袖欲如何。

夏溥

送徐文勝平江教授

天書曉捧出金鑿分教平江早拜官千里不堪明日別
一尊且盡此時歡官河歲暮冰猶合驛路天晴雪欲殘
遙想傳經講堂罷風光先到杏花壇

方子京

武夷山水

數載文公此息游高深九曲至今留金雞叫月千峰曉
鐵笛吹雲萬壑秋丹竈近連寒瀑濕蒼屏曲遶碧灣流
客來倚棹無人問兩岸飛花送客舟

王霖

題丹山

御選元詩

卷五

夏溥

方子京

王霖

二

三台峰下神仙宅樊榭春風長薜蘿萬疊層巒連石壁
一簾飛雨瀑銀河天光上下雲容斂山色空濛雨氣多
與客題詩足清賞歸來環珮雜鳴珂

朱公遷

登高山

雲際陰陰隔樹亭身憑高處眼雙明苦無黃菊供人摘
只爲青山了此行孤雁飛來風正急一溪流出水尤清
良辰向復同佳友不用辭君滿酌觥

縉雲山中夜坐

閉門清坐意超然卻有愁情斷復連木葉怕寒霜滿地
梅花照影月行天山林歲晚身猶客砧杵聲高人未眠

起傍茆簷聽過雁哀鳴只在白雲邊

祝蕃

多景樓

鐵甕城邊暮倚樓西風吹鬢冷颼颼淮山滿眼英雄盡
江水無情日夜流西岸萬家煙市暝插天雙石海門秋
平生無限登臨興看盡南來北去舟

葛元喆

次同年辜德中知州

虎榜同升若弟兄看花憶在賞心亭葡萄曉出宮壺紫
楊柳春深御苑青愧我無謀能報國多君有子已傳經
近來更有憂時念銷盡干戈歲始寧

御選元詩

卷五十一

祝蕃

葛元喆

劉中孚

三

劉中孚

遊三洲巖

蓬萊夜失第三山飛落城東錦水灣
洶湧灘聲朝雨後參差巖影夕陽間
野花隔岸自開落仙子與雲相往還
坡老已歸詩句在空留名姓到巉頑

陳高

送鄭汝玉歸莆關

莆關深入海東南日出先看曙色酣
李愿歸歸畊盤谷土杜陵思樂百花潭
到家三月山礬白入饌千林竹筍甘
愧我天涯尚羈旅鄉愁因爾不能堪

遊靈山寺

舊聞海上有神山今見樓臺島嶼間
鰲背千年開佛國
鯨波十里隔人寰
風吹僧影浮杯渡
雲送龍身聽法還
避世擬從支遁隱
塵簪吾已久投閒

寓鹿城東山下

大隱從來居市城
幽棲借得草堂清
烏啼花雨疎疎落
鹿卧巖雲細細生
石眼汲泉煎翠茗
竹根鋤土種黃精
艱危隨處安生理
何必青門學邵平

陳駘

彌陀巖

城南野寺遠淒淒
老去登臨興不迷
黃菊有情留客醉
青猿何事向人啼
長江落木孤帆遠
古道寒蕪匹馬嘶
御選元詩

卷五

陳高

陳駘

顧遜

甘立

三

願得相從休物累
頻來此地共幽棲

顧遜

贈馬敬常

我馬紛紛北渡河
將軍勲業尚蹉跎
十年鬚髮時看鏡
萬里風霜夜枕戈
知已有如齊鮑叔
得君無復漢蕭何
錦衣未解歸鄉國
南越封王屬尉陀

甘立

送閤學士赴上都

從官萬騎擁鑾輿
東閣詞臣載寶書
雨過草微金絡馬
月明山轉紫駝車
龍庭日近瀛洲路
灣水天高玉帝居
明日仙凡便相隔
少年僚吏謾踟躇

送國王朶兒只就國

奕世名王策駿功遠分茅土鎮遼東玉符金印傳孫子
鐵券丹書誓始終滄海斷霞通虎帳黑河飛雪暗琯弓
莫忘聖武艱難日四傑從容陟降同

和完學士晚出麗正門

暮光霞彩炫金題絳闕高居雉堞低下相樓臺連御苑
中郎車騎過沙隄阜鵬孤掖凌雲翻紫燕雙翻踏雪蹄
回首上林涼月夜蕊珠多是鳳鸞棲

袁泰

次壽道韻

桃花夾岸護溪莊白鬚漁翁久坐忘過客此時停短棹
御選元詩

卷五

廿五

袁泰

賈實烈門

三

道人終日閉虛堂雨沾弱柳垂垂綠風動新篁隱隱香
茗鼎忽聆烹蟹眼車聲奚用繞羊腸
煙際輕篷帶雨推水邊疎牖趁風開朋儕正可班荆坐
船舫時能載酒來委地花枝徒艷冶近人鷗鳥不驚猜
翳然林木幽棲意慚愧愁腸日九迴

賈實烈門

湖心寺贈見心上人

定水高踪何處尋雲林燕坐靜觀心虎來磐石依禪錫
龍出靈湫聽梵音月窟天香金粟老王城祇樹寶花深
遙知東澗蒲菴好擬著藤牀夜共吟

大慈山

東湖湖上放船遊路入大慈山更幽薜荔月涼猿嘯夜
菰蒲水暗雁啼秋每知靜坐禪心定自笑勞生幻影稠
欲問三車曾未往獨依天北望龍樓

達溥化

鳳皇山望朝日

滄海全吳當百二坐臨溟渤鬱陶開日合金霧天邊出
潮捲銀河地底來雲淨定山浮砥柱天高秦望見蓬萊
東南檣櫓年來少獨向江頭一愴懷

楊貴亨

贈見心上人

清泉老子多蕭散定起談空思不羣一室天香秋更好

御選元詩

卷五

達溥化

楊貴亨

辛敬

三

千林月色夜初分詩傳黃閣新題句碑讀蒼崖舊勒文
我欲相期傍幽隱經函松下共看雲

辛敬

登梅仙觀

蓬萊縹緲青山上海客初晴駐錦袍萬竹蛟龍森窟宅
中天樓閣擁波濤清秋近見銀河落入夜平看北斗高
銷盡半生塵土夢玉笙此處醉金桃

題雲邊草堂

晴雲如雪樹重重草屋憑高可盪胸花徑晚陰行白鹿
墨池春雨下蒼龍卧思諸葛營巴蜀靜愛希夷對華峰
六月南來因看劔雷霆一夜起長松

宿洞陽觀

洞陽觀裏看明月雲霧軒窗挂六鼇五月蛟龍吹水上
四更星斗去人高山陰羽容黃庭宇太白神仙宮錦袍
遙望長空意無限九霄何處醉仙桃

聽吹簫次韻寄鈞鼇

紫臺天遠易春殘夢繞西家芍藥闌金谷酒香潘賦就
綵雲聲斷史簫寒書回青鳥三山迴星望銀河一水寬
多病相如情似雪金莖玉露託幽歡

宿靈鷲寺

高人久矣念離羣來問山中禮白雲龍送雨過留客住
鹿銜花至與僧分疎星出竹昏時見流水鳴渠靜夜聞
御選元詩

卷五十一

辛敬

楊士弘

彭鏞

五

楊士弘

送傅與礪廣州教授

廣州儒學東南冠才子文章天下傳豈但門生加薦豆
定知島戶盡輸田山頭麋鹿過堂下海上鳳皇鳴日邊
對此題詩應百首蚤從梅驛寄長牋

彭鏞

送玉笥王道赴京有代祝嶽瀆之行

王子緱山載碧笙遠隨丹詔覲神京秩宗祀典虞書在
封禪壇壝漢時平玉笥雲連龍虎氣金陵天近鳳皇城
祝官拜望承恩早小朶樓西散珮聲

顧觀

過吳淞江

洞庭一水七百里震澤與之俱渺茫鴻雁一聲天接水
蒹葭八月露為霜輕風謾引漁郎笛落日偏驚估客航
我亦年來倦遊歷解纓隨處濯滄浪

太白醉歸圖

歌成芍藥倒金壺並轡官馬上扶樂部餘音隨彩旆
仙班小隊下清都長庚萬丈文章焰後世千年粉墨圖
江左青山舊時月一杯誰慰客墳孤

葉杞

余忠愍公

御選元詩

卷五

顧觀

葉杞

高明

王冕

三

淮江風急鳥蛇空特立旌旄板蕩中萬里孤懸班定遠
滿城忠烈漢臧洪瓊林星漢回文運皖國雲山誓武功
尚憶繡衣行部日遺民揮涕浙河東

高明

和李別駕賞牡丹

絳羅密幄護風沙莫遣牛酥汗落花蝶夢不知春已暮
鶴翎還似暖生霞詩呈金字懷仙客手印紅脂出內家
獨羨沈香李供奉清平一曲度韶華

王冕

偶成

二月江亭野色明楊花飛散雪盈盈鹽煙半入海氣白

風雨忽來谿樹鳴
離思厭聽孤燕語
客情無奈亂山青
明朝又上長安道
却望咸陽舊帝京

建康層樓

層樓危構出層霄
把酒登臨客恨饒
草色不羞吳地短
雁聲空落楚天遙
江山如畫知豪傑
風月無私慰寂寥
六代繁華在何處
敗紅殘綠野蕭蕭

雨中

江南江北水滔天
羈客相逢亦可憐
坐覺青山沈席底
行驚白浪上窗前
鶉鳩銜草棲危塔
鷓鴣翻飛浴敗船
轉首百蠻寥落甚
絕無茅屋起炊煙

庚辰元旦

御選元詩

卷五

王冕

五

試題春帖紀新年
靄靄青雲起硯田
展卷不知山是畫
舉頭恰喜屋如船
梅花雪後開無數
楊柳風前困欲眠
悵望關河無限恨
呼兒沽酒且陶然

都城暮春

繡房香幄紫駝車
隊馬連雲擁醉娥
天上柳花隨處滾
人間春色已無多
風流謾聽黃金縷
慷慨誰知白石歌
江北江南歎愁絕
落花如雨打漁蓑

金水河春興二首

神州何處見繁華
儘好當時富貴家
慷慨喚來黃字酒
丁寧將出紫簾車
春風嫋嫋穿楊柳
小雨冥冥度杏花
沈醉歸來不知夜
又傳清響按琵琶

金水河邊柳色新
玉山館外少沙塵
琵琶未必能愁客
鸚鵡如何錯喚人
翠袖錦襜馱白馬
落花飛絮闌朱輪
人間天上無多路
只隔紅門別是春

白馬湖

十八里河船不行
江頭日日問潮生
未同待詔沈金馬
却異看花在錦城
萬里春風歸思好
四更寒雨客燈明
故人湖海襟懷古
能話舊時鷗鷺盟

張天英

題玉山草堂

桃花溪上讀書亭
海國光搖處士星
三月東風迷錦樹
半天南斗射青萍
誰騎仙鶴吹笙過
自醉山花枕石聽
御選元詩

卷三

王冕

張天英

郭翼

三

多有故人麟閣上
帝前應說草堂靈

郭翼

聞呂敬夫移家

卜築因同野老家
貧猶有五車書
從人更買青田鶴
入饌頗供丙穴魚
謝眺能詩多警策
嵇康嬾性且麤疎
江頭樹裏晴雲出
日日看山候小車

題張戡畫瘦馬圖

瘦骨鋒稜珠汗落
卧痕半雜古苔煙
未脫將軍金匝匝
又駝兒女玉嬋娟
蒼黃日色龍沙外
慘淡秋聲雁塞前
神駿只今誰貌得
開圖老眼一醒然

無題和袁子英

繞帳犀珠坐影移銅華鋪首鬣雙螭守宮點臂斑斑血
結帶同心寸寸絲機上金梭迴艷錦篋中玉子卜靈棋
飛花解繫相思否莫倩韓家賦柳枝

水閣書事寄鄭明德

方橋匝小如亭山色傾江滙滙青兩裏芭蕉憐畫扇
花間鸚鵡惜金屏誰傳鴻寶中篇術自寫黃庭外景經
練水東頭三十里何人識得伍喬星

擬杜陵秋興八首 錄六首

露下大江江雁橫窮秋搖落喚愁生波濤百里風連海
砧杵千家月滿城佩劍衝衝龍匣動巢笙夜夜鳳臺清
還同使者將秋色一到銀河且濯纓

御選元詩

卷五 郭翼

无

東返秦皇渡海砦波聲雲影落從從君平謾識支機石
帝子應愁鼓瑟窗鳳穴朝陽鳴好樹槎頭秋水釣空江
坐來清漏荒城斷愁絕飛蓬老鬢雙

海門八月雨清霜可怪殘雷未肯藏虹蜺斷江將雨映
鴛鴦背日與風翔羅舍自老黃華宅裴度重來綠野堂
衰暮閉門懷故舊豈因吹笛滿山陽

江上青山接甬東離離草徧館娃宮芙蓉舊苑長洲裏
麋鹿荒臺落照中銀海雁飛沈夜月金莖露冷濯秋空
可憐蕭瑟江關暮詞客哀吟思不窮

金陵佳麗帝王州今日登臨送客愁玉樹雲連鳩鵲觀
青山日落鳳皇丘荒城并與煙蕪沒故國空餘漢水流

渺渺江湖頻入夢蕭蕭天地不勝秋
落日江南發櫂歌楚王宮殿鬱嵯峨雨經巫峽朝雲濕
木落洞庭秋水多璧月銀河今復在玉簫金管奈愁何
只今文藻悲遷客何處波濤弔汨羅

御選元詩卷第五十二

御選元詩

卷三

郭翼

三

